# معدها طاهر برعي

# aginal ast algest





لوحة للفنان السيد عبده سليم

اهداءات ۲۰۰۳ الميئة العامة لقصور الثقافة القامرة



# أصوات خارج الدايرة

شعر

محمد طاهربرعي



### رئيس مجلس الإدارة على أبوشـــادى

أمين عام النشر محمد كمشريك

الإشراف الفنى د،محمودعبدالعاطي

#### الهيئة العامة لقصور الثقافة

إبداعات / (أسبوعية ) / العدد : ١٠٨ أصوات خارج الدايرة / شعر / محمد طاهر برعى الطبعة الأولى / مارس ٢٠٠٠ رقم الإيداع / ٢٠٠٠ / ٢٠٠٠

المراسلات: باسم رئيس التحرير على العنوان التالى ١٦ أش أمين سامى – القصر العينى رقم بريدى . ١١٥٦١

#### الاهداء

مصر الکهارب .. ضی مصر المداین.. حی وانا لما صوتی طلع کان

- ٔ \* بیرم
- \* حداد
- \* جاهين
- \* أحمد فؤلد نجم

قنديل بيضوى

ومن رحابهم جي

وكان صوتي

محمد طاهر برعي

## الندى

راسم عيونك ع المدى أبيض بتعشق نمنمات الورد زمنك بيبهت فوق بيبان البرد وانت الندي إنت اللي موتك مستحيل عديت على قلب العطش نفس العطش أنأت عيونك جمرتين م الصيف - من كام خريف شايف خريف! راحل بصوتك أهمس ببكره

رشم فوق الخوف يرفرف عنادك

مرة فوق الشوف

وأنا اللي خايف أشوفك

قبل م تشوفنی ..

عديت على جفني

علمني الصحيح م الزيف

همس الندا

علمني أتكلم ..

بحر الحن فضفاض بلا مرسى

متخلنيش أنسى

قبل السفن م تغيب .

قلبك قريب

شطين عيونك مخنوقين

صفصاف ييشتى فوق عيون الناس

متعدنيش ف العد

واقف هناك

بتمد بره المد

مليانه عيني م الخجل فيضان

عطشان

كل الحدود محتمل تغويك

رمل الطريق يناديك

- خایف

تكون م المغرمين

زى السنين بتميل !..

جرح المدي

برکان ندی بیفور

مستور غيابك ف الغنا ترتيل

ساكن قصور السا

صوتك غريب

مكسور ..

یا ململمین ضلی

قلب اليمام بيشيخ

ورق الشجر تواريخ شياهد وليد بيشيب وانت اللي زي المطر يفلت عبيرك براح ويبوس خدود الورد.

# عطشالا زمانك بيروى

\* إلى الراحل: ضيفي إبراهيم \*

رغم اشتهاك للمدى بتهدى غنوتك للغير وترسم وترسم أربعين سنه أربعين سنه شبطين حنين لسمه الفلوكه بتنتظر دمعك يسيل .. الصبح/ ليل النار بتطرح م العدم النار بتطرح م العدم صبره الطويل

جيل وجيل یا مرکبه أنا كنت صاري أنا كنت نارى والعد جاري.. مكتوب ف عينك منشأي لو تهدأي . ح اكتب صفحة مبدئي يوم انتحاري

مسجون ف روح الذاكرة مرشوش بيبان متشعبطه فوق الملامح ضحكتك .. مصلوب كيان متسرسيه لحظة خضوعك للرحيل شايلاني شيل

لساك ب تنبش ف النعاس لساك مجاش لكن ترحالك طويل بحر الأمانى بينتظر كل المراكب تكتبك تكتبك

لساك يانيل ..

١

# خليك مهيأ

عطشان بيهرب من جنون البحر مكسور جناحه م الهوى والريح واقف جريح.. مهزوم! ومن الغيوم بيضفر الأحزان .. عطشان بيهرب من جنون البحر یا هوی يا سيسي م البحر.. مات عیشی .. الليل بيندهلي ردیت علی مهلی

یا حزن ما جیشی

لسه الرحا بتعدى فوق قلبي

يا حلم متخبي

بكره النهار تأجيل

م الذكريات بلملم فرحتك حنه

واغزل ف طعم البكا

لكل صباح ..

طعم الخلاص ف الحلق

كان مدسوس ..

من غير غنا أنا اللي بعشق

رغبتين ف الموت

متغيره كل البيوت

كل الصور تشبهلي

أنا ..

م تضمنیش . خلینی فوق الخوف.. خفیف

لبس البنات الخضر

ف عيون الخريف

تخاريف ..

خليك مهيأ ..

تابهه الخلايق ع السكك

عايزين جواب

فرفط كتابى بميت سؤال

صوت المثبانق قرقطة..

متشعبطه فوق الكتاف

عاش

اللي شاف رسم الصور

م الشخبطه ..

الموت

غطا

الموت عطا .

## دمرالبحر

```
مشنوق العشق ف غصن التوت ملزوق ف ايديك الموت ح
ح
و
و
ملعونه الفرحه الهبله
ملعونه عنيك
إن شافت عطشي
وأنا بشرب دم البحر
```

هربان لعنيك الليل طراطيش

ملفوف ف الحلم الصاحى نقوش .. تراتيل أحزان يحمر لون الحنه فوق بدنك أخضر برئ يا شعر موتك ضي عزفو النايات في الحس على حد موالي رشو النسيم ع الصبا غيرت ليه حالي وتلم عودك مدد .. يا شوق نحيف ملفوف ريحك مواسم ف الغسق بتمر فوق جتتي على طرف منديل البنات

لما تئن

عراف برىء يا ضحك

مين اللى حدد خطوتك بالسن سرك فحيح بالصمت قلبك طريح موسمى .. بيسد ف عروقى الطواف وف ضلة المرسى البعيد شاهد فنارك ع الملأ رافع راياتك للسما حلمك قريب ..

حلمك

شروق مسروق

بتغيب معاه

لما الحياة بتمد طيفك

انتباه

على نن عيني تفوت مزيج

قلبك حجيج

سأمر

يا قلب الموت فسيح على سفك روح الأمنيات ضلك طريح فرحك طريح المغنى والترديد لما اشتهاك صوتي على سكة ف سكوتي ورموك فلوكه ف موسمي يلا ارسمى يا ريح شروق بس اعلمي إن اللي فات من عمره کام ألضم عناقيد الوطن وأفرد عيدان الصبر طول واقراه فواح ..

# تصاوير مرالشتا والشمس

وتدور ليالى الشتا متشتته بعد الندى م بمر يا حد ف حدودى إياك غيابى ينكتب غيبه راسم مداكى للسفر خطين شادد رحيلك فوق قلوع العين صابمين كفوفك ولامش صابمين ...

آدى اللى كان من بدء رحلة سفرى

بجمع عيونك ع الطريق عكاز جاز انتهاءك في الضمير الخوف مصير

تغسل إيدين الشمس كف البرد كف .. البرد كف .. وتعدى فوق المشتهى صوت الحفا عند الوفا عبطرنى صيفك وانجلى تايه على حرف الكلام بحرين وجودك محطرين متبحترين بالجهل لحن انعدام

وأنا لسه باقسم دابرتي مسجون وش النهار مقسوم ياليل يا متوارب لسه النهار شارب كاس النوار م البدر وأنا صحبتي مش غدر أنا صحبتي بالقدر وسط الشاهد بالحلك نهارين نهرين بيسقوام العطش صوتي شاهدين على سكوتي وان كنت خايف م يهمنيش موتى ـ

## مواسمرسفر

للطير مواسم سفر يا عشق يا راحل الليل ملايه مشغوله بالترتر يفرد ملامح صبحنا وشه نن العين قمر مصلوب .. يا.. سر تسبيح الطيور ب فتح بيبان الدمع والتنهيد .. ألم راجع نفس ملموم .. نفس ملموم .. ندوم يللى بترفع كفوفك للمجد والتعظيم

ويدخل صوت

نرخى صوابع حسنا لاسمك

یادوب۔ تخدیر

ياعيون بنات الصبر

بالبس هدومي ملامه وخوف

وبشد من ريقي الكلام

مكسوف

دم الغناوي لطخ الحنه

النار..

مسامح.. كريم ..

مفروش يا قلب الملا

ملايات بترمى للدفا رعشه

أسود

يالون البرد

يا قلب عشش م الفراق عضمه

ترسم تقاطيع السفر

خرايط عشقك الباهت

خطوطع الكف وتفركها صدا مرشوش تسند خدود الأرض بين البين صرخة مدارس وتنام تتجسد صورة خوفك ألف حجاب وتعود بصوتك متيم عمرك الصلوات.

### المندل

الطقش بيصحى النعاس ومبراية الوش المكان حابس يا جن المملكة إلبس هدومك واختفى قلب دهاليز الكلام للم ف أشلاء الجسد بس اسكتى وسيبيني أندهلك عليه یا فردیا .. یا جزءیا ..

یا کل یا

ياللي أنت سامع وسوسه

أنا بندهك صبح

ومسا ..

عضمى ف عضمك يتفرك

دم الفصايل يسترك

ويوصلك

ألفين وريد للنور ..

يا جـزء يا..

یا کل یا..

یا فرد یا..

واقف تطارد خيالك

ارجماع ذاكرة

ملامح صور

براويز مدن

تایه ف سکة/ مد ..

يتفك طلسم اسمك المكتوب

حروف من نار

7

س

ن

الحه

ح تعدى شايلة تاريخ ميلادك

تصريح سفر

لآخر بلاد الكون

ترصف حكايتك شوارع

معكوسة ف المرايات

والسين

سرق السكات صوتك

فرده على السكه

تلات رشات

الأولى/ رشه عشق

والتانيه/ رشه رق

والتالته/ رشه حق

والنون

نهاية فرضك الساير مخنوق ف ترتيل الصبايا

مات ..

وازعق مفیش سامع وشتات بلا جامع رافض یکون ملوك ..

\* الطقش: هو من أجود أنواع البخور المغربي، يطلق لمعرفة الضاله والتائهة والمختفية .

### سيرة من السما والأرض

للم خيوط العند من قلب الوجود واجدل ضفاير صوتك الواعد الأرض سيره م السما مخلوقه بتعد الشاهد مليون سنه قبل الرحيل يوم م التقيتك كان هنا .. يوم م افتديتك يوم م افتديتك كان هناك .. كان هناك ..

بحرين نزيف ..

كان الشتا مخلوق ضعيف

لما اكتفينا بهدمه واحده

وكلمتين ..

وبدون جدل

كان الخريف ..

وابتدينا الخوف سوا

كان الجسد

دبلان بيهرب ف الخلا

لبلاب أسير ..

طارح یا دووب

یلا ابتدی ..

أو إنتهى ..

ضهرى المرصع بالوجع

لساه أجير!!

بهرب في كفي المرتعش

ملموم نهاره منهار

مقفول يا باب الزعزعه إلا مع.. قلبي اليتيمم. بالنبض يتكهف لون الليل في العب يرقص طعم شعاع النظرة ..

ادسه ..

يفلت وهجه

صهيل ف النني

أجرح جلدى

واعود من عدمي

صوت للريح ..

أدخل فاصل عمره الهيكل

ألضم صوتى حروف تتشكل

أفصل إسمى..

لغات..

واتكدر .. أرفض أقبل

يرفضه قدمي يصبح توت.. صفصاف. بتصلصل. ينده آدم باهت لون الموت العادم لما بيسكن قلبي الضيق أصلب طولي قصادك وارحل إبدى ف إيدك تملى عنيك بكياني الأزلى .. يعطش بدنى - يستأذني شادد طرف النوم متغطى !!

### على بابا

دوبان الشمس بيقرص روحى وافوح أشلاء تمطرنى جراح العمر الصاحى واغرق .. واغرق .. أمسك كف البحر يغرق ليلى السابح ف التسابيح ف التسابيح يجرح خد البنت الننى ألمس صوتى .. وابكى عليا

لكأنى وليد بيعافر

لحظاته الجايه

وبيستنى

الشمس يا دووب طراطيش

مطفيه

بتدوب دوبان

حلم جبان ..

واتخبى

ترمح

كل سنين الغربة

يكشف همس الربح

رجليا ..

أصبح تلج جليد

واجمل ..

النهار عند النهار النهار في النهار في النهاء النها

معدوده صفايح دمى
بين الظالم
والظالمين
واحد – تسعة
عشرة وكمان عشرين
محبوس السمسم ف المفاتيح
جرب حظك
مكن تبقى ف يوم
على بابا

## موت ملوك. ف سكوت سابوك

بينى وبينك خط حديد وحيطان بينى وبينك صمت بيبان وان بان على وشك يوم الشوق رحا اشوفه ازاى وانت فى زنزان ومتهربيش ف عروقى وقت النبض شريان تمرد .. يا م العيون مأسوره. م الحرمان أنا مش جبان أنا ميت كيان أنا ميت كيان بيهدوا فوق حيلى !

تربط إيديكي الميتين خصري البرئ ..

أهرب ف جلد الأسئلة

وف لحظة يتهز السكات

مخاليق بتزعق ف الودان

\* القدرة والسحر المزوق بالنزيف تخاريف تمردع الورق

طال اللي كان مفروض

يكون ..

إبنى اللي سافر والسفر

والرحله. المد الفسيح

مليون فضار من دمك الملزوق

بقع

\* الضحكة والوش اليتيم

\* الشعر والموت البرىء

\* ودرامة الحزن/ الفرح ..

ع القلب مستنيك هنا ..

وف آخر المشوار هناك

عنقود عيون منتور خرز ..
وف جسمى للإيد القزاز
غرسين ونس
خظة تهيأ للى جاى
ضميت رموشى وابتديت
اتخيلك واتخيله ..
وارسم سكات
عنبحنى صوت القلقلة
كراكيب سبات
البحر مات من أوله واللوحه بتشد الولد

مليون سنه ف الريح بصد .. وبخالف العرف القديم صوتى النحيف ممتد وفى الخطتين غايبين هروب بفتح طريق للخلق ..

20

وبعافر الموال

الصبرطال والمغزلة مفتوله من كتر الحداد

عطش الرماد بكرى ..

يتمد ف عروق التراب أوتاد ـ

قابب على وشي الحال

والمستحيل تراكيب تمردع الحروف

الخوف وهج ..

يفتح بيبان الحلم

ف عيون النعاس

يشبه غروب الكون

حيلا .

يا ماسك الربح ف الوسع إمتى اتسع قلبك لقلب الإنتما ..؟

••

طعم الكلام جامح لسان غربى إطويني بين ملايات عنيك

قلبك إيديك ..

وازرعنى فوق ننك ثبات الوقت مصبوب ف الساعات متعبى ف جيوب الهوى ..

يا غنوه فوق برج الحمام إيه اللى يشبه غنوتك \* صوتى الحشرج م البكا \* لا الخجل ..

\* ولا انسداد الأوردة ؟.

# أصوات خارج الدايرلا

```
صرخة الموت اللي بيني وبينك
                  شايلها
             بركان للوقت
               بندول حياه
                  واحد /
               بحب للوت
                  اتنين /
               بحب الحياة
   يشطرنى سيف إنتظارك
               نص صاحی
                 نص نايم
     سابغ ف موتك بياضي
```

سابغ ف موتى بياضك فاخ نوافذ مستحيلك أكونك. براح

مزروع بينى وبينك : سد مين شد ضلوع الذكرى

ىىسد

طارح

نار الجمع الصارخ

كل الكدب/ الضد ..

تركب خيالي مسافه

الخطوه ليل

الخطوة ميل

جوا عين الأخطبوط

عتمه سور

الشارع

متكفن بالسهم الراجع

جثة فكره

بابك بيصارع شبح الريح واقف وجريح مصلوب فوق مفارق كل الطرق.

#### نامربعيونك

كل م بحلم بيك بتشد ف روحك منى لو تتقابل روحی بروحك ح نسى جروحك ليا وانام ليه ب عيونك مبتنعسس خايف تهرب شد الفرشه الله وروح ف النوم سرير واحد شادد طولك فيه

ولوحدك يشبه لحدك ايوه بتعشق نومة العازب

بس زمانك مش متكرفس

فارد شوقه

مش مشد قسن

بين العمر الفايت منك

صوتك شايب

شوف لو جایب

خوف. ف جيوبه

يشبه حلمك

لما بتصحی

لو محلتمش

بیا فی مرہ

ح خطف قلبك

بيه واتغطى أو حتوب

#### يسعل صباحك .. والنهار عتمه

النهاردة الصبح كان على راس الشارع قلبى معايا بيبص مطلعش من حتتنا غير السريحة متحزمين بحديد شقاهم للخطوة اللي مستعجلة يسعد صباحك يللى ماشى تهم استنى خدنى معاك شبك ايديك ف ايديا علشان موقعش منك زى الفلوس الفضة

وانا من غيرك لا حول ولا قوة جوة السديري والسنان قضبان ماشى وبتشد رعشة نبضك لفوق حتى البخل طالع ليك بتخاف لو شافوا عنيك. متسبلين مش محنه اديني عنيك اشحت بيهم عظف عنيهم حديلك نص النعمه بس سامحنی لو قلتلك آخر العمر.

### غنواية مصرية

عشق البنات عرانی من دمی لمینی یا غنوتي وزعنى يا.. همى لسه على حيطان الوطن أحلامي بتغمي .. علنمني رغم الأسي ساعه م دوق المر لازم قبلها أسمى وم تزعليش وقِت الولادة م الخاض

أنا بنفلت شعاع

بيرسم سكتك

ساحل

راحل براح الضحكة والنورس ..

وأنا

فوق جروح الوطن

حـورس

بيرددوه كورس

نصر/ نصر

شقيني من حلم الأسير

برواز ورق ..

سايب

عيوني فوق بيبان المدن

والضحكة

لحظة طيش!

جايز مفيش غير البكا

لمينى من قلب الغرق

موال أخير ..

راحل بشوفك فوق زمان البرد

والرعشم مش م الشتا

لبسنى توب المد

قطرك بيجرى فوق خطوط العرض

دخان ب يتسرسب ..

كل السواقي بتبخر الميه

كل الصحاب صاحيين ع الضيه

وأنت اللي بين النعاس

حاجز الأحلام

مخنوقة فوق الشجر

ريح الكلام

طارح بكايا فرحتى

قسمني فوق الوتر

غنيلى أغنيه

عشمني رغم العطش

ومنسقنيش ميه

للمنى وقت الضحى مهر البكا ذغرونه مصرية وانا كنت ناوى السفر إكتبنى فوق المطر غنواية مصرية .

#### حلمر الشطوط

ع الشط واقف يشابى للبحر بإديه الصغار راسم على الصخره ولد وسيف مكسور تتمد فوق الشراع بحمة رحيله المبعده ويمر بين الأنا ضلين مسافه وانكسار ضلين مسافه وانكسار

\* كل اللى كان أحزان والفرق بين اللى كان والجاى موال حزين مشلول

بينى وبينك إحتمال محال أكون النهاية محال تكون السفر

\* تلمس عيونك صبح البكا ندي حراق تبدأ حكاوى الموت أربع طاقات متفتحين ع النار ينشف جريد النخل ع الضفه ينشف عناد الصبر ف المزامير أسكن غناويكي القديمة مليون شفاعة وانتظار \* تغزل عيون الحلم توب رعشه

```
موت مؤقت إنفصال
           وأأبس غياب الوقت
               صوت ف الريح
             داير فؤادى دوامات
        وهم الحقايق والسكات
       وهم الخضوع والإختيار ..
       * بامنح عيونك رقصتي
                 طير مدبوح
وافتح نحيب الضحكه ع السكه
              تتفرفط الفرحه
                   إستباحه
     واعود مجروح حنين
                          م
                         ŭ
```

44

حلم الشطوط

راكب على ضهر الغروب

راحل مغيب

فارد ف ريح الوقت

والمسافات

حواديت

\* تفرش قصاید صوتك

ف الرخام

أصوات

\* الصوت دا: شارب م العرق

\* الصوت دا: هارب م الغرق

\* الصوت دا: كاتب ع الورق

لكنه أبداً م خرق ..

#### انتصاب

فوق الشوش منقوش بكاك امتى العيون تتمد وتتشاشى بالسلامات لسه والصورة مش هيه مكبوب ف صوتك م الكبايات النص خمسين سنة وانت لسم م ارتويتش م البكا والفرح م انت السواد والجرح وانت الحروف وقت انتشار الكلام كان يجرى إيه يللى انت بيك علة لو تشترى خرسك فرسك جموحك وانت مش خيال على ايه مسافر وانت فاضى الخرج خليك هنا خليك هنا حُت الحاجات مادد ايديك

- \* شافك شبك
  - \* دمعك عرك
- \* سيابك سيلك

وانت اللي قاعد بترص ف الخيبة

لا طار خيالك للبعيد مرة

ولا مرة حبيت الوصول

آخر فضول

ساحر بليد

لما بتلم السكات

حواليك

قكيله حكوية هوا طياب بيقلب القمصان وانت سيد العريانين مش مخجلة لو مرة يوم تسألنى عن سر الهوى عن انتصاب الجسد شاعة الشهقة مش مرهقة كد اللقا ف عنيك بلقط م اللى فات عمرى

- \* يا كاشف الستور
  - \* ارمى علينا النور لجل البكا ميقل ونخالف الكدبة صدقنى مش فرحك

حيسد يوم جرحك

77

مدام عليك الدور النسمة لو سارحة متظنهاش طارحه وتعاند المكتوب لو الزمان سابق الدنيا بالمقلوب حيعلا بينا السور علشان عيونك مش عيون ازای تکون وانت مش بكاي م اللي قال انك رايح تغازلها المولد اللي ابتدي مش فاضي م الاحباب , ده فاضی م دینها كترت مشاهدينها وأصبحت..

#### بشاير النعناع

تصرخ عيون الصبايا على موت قديم تنشف إيديها م الندى تدبل تغني للعدم موال الصبر طال والجنه مش ملكي إياك ف يوم تنبعتري دا الريح بتسجد للبيبان م الخوف .. وانت اللي دمك زعفران وازای بموت النور بيسبح في العتم عروه تخت الحيطان

مذلول يرسم زمان الحلم ألف شادوف الأرض تتعفف حملنی یا هلتری ف الوجد كام م الجد م أنا أصل حد وبنتهى .. يسبقني عمري المنطفيء عقارب.. موت يا عرق سوس من بدري مالك منحني دا الناس بتلهث ع الورق .. باشت عيدان الخنه والنعناع فنجان ألم بيصب یا شمس لو تشهدی حادلق ف وشك

عتمتى الباردة دانا آهي لسة بتلعب لعبة التدوير محتاج اشوفك ف امتزاج الروح صلا وترتيل تزرع عيونك عنادى.. تتفتل المواقيد والضمك خطین جبین محتاج اشوفك في الخصام لجلن.. ف قلبك يندفن صهد الرباح وارتاح رحيل.. تدبل عيوني المزروعين ع المصطبه .. وتسيل دموعي ف شهقتي آخر حدود المكنات

> طعنة نشيد ف الدم بينى وبينك

```
سىكتين
لما المفارق تكتبك
    وأنا اللي مكتوب
        فى الرصاص
              خلاص
شدیت علی کفوفی
              النهار
  ورينى كيف الاختيار
         رايح أشوف
         من عند فين
          راح نبتدي.
```

## عطشان بيهرب من جنون البحر

```
بالمح جوا عيونك خوف
               أصرخ أخدد
تنعكس فوق الزوابع صرختي
                والستطيل
           أدخل ف لون المد
                والتجسيد
                     دواير
  ترميني بين المداين سكتي
          واتغسل بجروح ..
            یا روح
م بعدك روح
```

الحلم كان انهيار وأنا كنت وحدى ع الطريق مسنود سامع نميم الحصى والبحر قدّامى .. يركب لسانى السكات

البحر نار البحر شايل ف الحشا الأسرار ترقص عيون الطير فوق الرصيف وتعود عناد

يا شمس يا معتمه السما كفين تراب راجعين القلب كهف خراب

الدم لا بدف قاع العروق مسروق الدم مش فاير نبض العروق حيله مفروده ع الأرض الغناوي مفارق سفر أنا اللي نافض م الغنا الزغاريد أنا اللي فوق الوش راسم التجاعيد يا غبار مدينتي المظلمه ب اشهد بوأدر لانسحاب ترميني ألف دوار وانشطر .. يا خوف يا بكر الإنتظار بكره النهار مسجون

ومتكحل

تهرب غناوى العيد من الأطفال

متحشرحه ..

يتسرسب الموال

ألف قرار ..

صهد العيون نايم

شرار

خايف تموت الأسئلة

الشمس لسه

مكسله

یا بردیا عطشان

الدفا لابم جيوبه

للدم والشهوة

.. تتاوب خطى الخاليق ع الرموش

دھشبه

وتموت غياب ..

## الضباب

فوق شبابيك المدينه المضباب واقف .. لابس غبار الشوارع جلاليب للمساكن المضباب راكن .. ساكن فروع السواقى الضباب فوق وتر السفاين الضباب ف الضواحى ف الصنادل .. ف الجرون. المنادر الضباب ع المصاطب .. والضماير ..

الضباب. فاير ..

مادد لشريان المدينة صفوف عواميد حزام للندي حصار للنور الضباب سجاجيد شارب ألف نجماية ونس لابس غواية الفتارين راجع صدى المساكين ستماعات ۔ أكاذيب .. رحلة تراب البداية والنهاية.. ضباب صوت المدينة صراخات متعطره الذغاريد ..

غنوايتي بتمسح جلد حيطان الزيف

زارع جوايا المدينه شجر مجاريح .. طين الشوارع خينم على المصابيح طارح فانوس اللقا ياضريح عربيات ف الضلمه بترمى جروح

قايم تراب الشوارع
يغزل صوارى الحقايق
عرق التراب
ضفاير العشب اللى فايح
.. شال للفرح
أربعة أطراف
الميه والتراب
النار والريح

# الفانوس

الليل درویش بیمشی معاه صحينا من قلب الغرق يا طبلة الدرويش .. كل الوشوش بتحوش غمام مستنظره طير اليمام يهل بالتسبيح .. رحماك يارب المغفره والعتق تترش شمس المدى كفين تراب ..

تغزل حنين - بينا-

طاش

الغنا والفيض

الشوق عنيد

شادد ف قلب السوسنه.

یا سکتی

ريح السما بتجيب نهار

تسند خطاوي الحلم ف عيون الصغار

أسرار ..

وأنا المهيأ للضيا والنور

الروح/ حضور ..

یاعم یا درویش

تفرش بشاير خطوتك حنه

وتضيئ بإديك الطريق

توب دفا

فرحان.

کـريم.

بتزور

لسه الخصام

مسدول

وأنت الهلال

جامع ولاد الحته

والشيارع

على رقصة الفوانيس

صوت المدافع من بعيد حيران ..

من غير ونيس

هربانه

ف عنينا السكك

وبرغم إنى بتولد

أو بنجلد

قبل الأوان

لازم أصوم ..

# قولى عشان

مفيش مانع لو تكتب يوم على قلبك منوع م الحلم تتسد عروقك مش عشاقه مفلوت يا قفيز احساسك واخد كل عكار النومه ف وشك مش رحا اغشك لو تسمحلی اکون غشاش مفيش مانع متصبيش على وشي البرد ساعة م فتح عيني عليك واكشف كدبك عشقك رابط عينيه بيشحت م الاحزان لحظة فرح ليه سويتي الحلم بهبلك مقدرتيش قولى عشان كان المانع لحظة جد وسمعتيني كنام النساعية قولى عشان اعرف ليه الكون بيبارز

لسه ف بعض

# النيل فرات

```
مشايه
           جسرين عيون
وفتحتى ف النبض اليتيم
            أحلام بكا ..
               وغزلتلي
 بحروف مداك المنسوجين
            توب للوسيع
    ورسمتني بين لللامح
               قنبلة
صياد يمام
```

•=-

آخر حدود الاشتهاء حرفين بساط الريح ب تفرش حسها الباهت ودع ع الرمل .. النهر مهر الأمنيات النيل فرات

## الملتقى

ولحد يوم مولدي شاهدين على كتابي اكتب بظاهر فعلتي السيئه والحسن. مسنونه فوق القلم جن -- العدم - كونى <sub>-</sub> وان كان ف تكويني المدد لسه المداد أخضر .. من حتت نار القدم كان الوجود والعدم وكبنت يا ....

مزيج طيني يتشق نور المدد تطرح ف تكويني الجارح/ الجارح.. الجارح / الطارح .. لساني بناديلك خت القلم واللوح طالع هناك.. لك

تطرح شقوق الجسد

ما أعظمك.

عفاریت ب تفزعنی

الخوف بيعجني ..

والكلمة ترفعني ..

روح بلا غيه مطلوق حمام الشوف

شوق فسيح .. الريح رسول رحمة يتلم ف الزحمه جسدى المشتت ف الفضا وارجع ..

\*\*

الليل. مضض ع الفطره كان مولود كان الجسد طاعه والوقت كان مشهود كان السواد ساعة ساعة م بحت بغنوتك أنا لسه صوتى ف خطوتك ع السكه رافض .. ع السكه رافض .. يجهلك أو يسألك . لأنك المأمول هنا ف دمى كون مسكون

طول م انکسارك عاش بريء

لابد من ساحة براءة

تبرئك ..

مش تدبحك

بسكوت شبك

م أنت اللي فارد بوح ضلوعك

ع الشبك

امتى إنشبك غَزلى

بغزل يشبهك ..

\*\*

أنا وأنت طالعين شجر

قلبين خضار ..

تسرح بنات الفل

والياسمين غلط ...

لغنط البدايات اليتينهة

من جمرة النار الرحيسه

بتنزعك ..

وتلملمك وتبعترك ..

للنور وهج.. بيضيء ..

عنقود أمل.

وحياة

ينسج ف توب البدن

طير للوطن

تغريد شجن

وقت الغياب م يطول

ويعود نهار

البحر شادد مركبي

شوق غويط

الملتقى

للصبح

حلم المدي

للشط مليون إيد ..

واقف يغبازل مهجتي

واقف يغازل مهجتى لون... براح م الفرح مش ف الإيد الجرح ليله بعيد معرفشي ليه بنحنى ..؟! وقت الرورع الحن

#### المحتوى

٧.	الندىا
11	عطشان زمانك بيروى
۱۵	خلیك مهیأ
19	دم البحر
۲۳	تصاوير م الشتا والشوس
۲۷	مواسم سفر
۳١	المندلا
۳۵	سيرة م السما والأرض
۳۹	على بابا
٤٢	موت ملوك ف سكوت سابوك
٤٩	اصوات خارج الدايرة
۵۳	نام بعیونكنام بعیونك
۵۵	يسعد صباحك والـنهار عتمة
٥٧	غنوایة مصریة

1)	حلم الشطوط
٦٥	انتصابا
19	بشاير النعناع
۰	عطشان بيهرب من جنون البحر
<b>V</b> V	الصبابا
۸١	الـفـانـوس
۸۵	قولی عــشان
۸٧	النيل فـرات
۸۹	الملتــقـى

## صدر مؤخرا من هذه السلسلة

٦٢- فانتازيا الرجولةمحمود خير الله
٦٢ - غناوي من كتاب العشق مختار عبد الفتاح
٦٤- طعم الوجع ابراهيم عطية
٥٦- الحياة الحب. الموت الحياةناهد السيد
٦٦- لأرملتي يبوح الوردعادل البطوسى
٦٧ - رائحة الخوخ محمد عبد الواحد
۱۸– من أجل سحابةأمل جمال
٦٩- الحكروبمسام قهمي
٧٠- مكابدة الاسطنهى ربيع عبد الرازق
٧١- أحيانا لا أكون ميتانسن
٧٢– حديقة الذكريات حسين أحمد إسماعيل
٧٣- امرأة تلد رجلاً يشبهك٧٣
٧٤- قيامة الأعضاءمصطفى فتحى
ه٧- عزاف النارالعربي عبد الوهاب
٧٦- بنحب موت الحياةعزت إبراهيم

٧٧- الأطفال يولدون نياما حمدى عبد الرازق
٧٨ - يرجع العاديون مكبلين بالياسمين وسام جلال الدويك
٧٩- غادة الأساطير الحالمةمحمد العشرى
٨٠- أصداء التراتيل الصامتةمحمود قنديل
٨١ - بماذا تبوح الجداول للبحر على الدكروري
٨٢- يحدثعبد الحفيظ طايل
٨٣- أزمنة الآخرين محمد صالح البحر
٨٤ حروف وبقط دم البريشي
٥٨ هفهفات النخيلماهر مهران
٨٦ الميل شرقاًمحمد رفاعي
٨٧- بلا ثمنمحمود
۸۸– مـيت خـيـالطارق هاشم
٨٩- ولد عفريت تؤرقه البلاد٨٩
٩٠- مشاعر عبيطة محمد البرعى عبد الصمد
٩١- تفاصيلل حماد حسن حماد
٩٢ أحلام فقيرةصلاح مطر
٩٣ – القطة العمياحسام العقدة
٩٤ حامل الراية ايهاب دكرورى

ه٩- الفوارسالفوارس الفارسي
٩٦- كراكيبسيدة فاروق
٩٧- شرنقاتطاهر سعيد
٩٨- الفتاة والفرس ممدوح عبد الستار
٩٩- أيها القط العجوز الذي بجواري أحمد سامي خاطر
١٠٠- باش أغامحمد رمضان
١٠١- بدويات السيد أحمد حمزة
١٠٢ – دم العصفورسيسيسيسي أحمد رجب شلتوت
١٠٢– ترتيلة بكاسمير سعدى
١٠٤ – ورد الشتاءالشرف الخريبي
ه ۱۰۰ – التــشكيلراضى
١٠٦- مضطر اعيشمنسد اعيش
١٠٧ - التوهموائل فوزي
۱۰۸- أصوات خارج الدايرةمحمد طاهر برعى

### تعتذر السلسلة عن استقبال أى مخطوطات جديدة لحين الانتهاء من نشر الأعمال المجازة

### الأعمال القادمة

خرق الصفاتعبد الناصر حنفي صادق
البحر كالعادةالبهاء حسين
مائتا كليو متر جنوباًمحمد ثابت
صيف المدن أحمد سليمان
ذات قصيدةالراضى
بنت الريح شتيوى
النيل يا أعـز الناسالنيل يا أعـز الناس
النوارس موت آخرابراهيم منصور
إزاى بخافجمال حراجي
موقف آخرمحمود عبد الله شرف
حلم قزاز التمساح
حيث لا يراني أحدصلاح عطية
مواثيق الضنى المسخ
الذين سرقوا الحلمالعزيز
دستورمأمون الحجاجي
قلبی نبوعهاخالد حمدان

الحلم يخلع نعليهالله الجود الجود
وسط الزحام أحمد الشويخ
تكويناتشريف شعبان
من أبناء رابعة وشارات الغريبمسعود حامد
الأحمر القانيطوسون
حكايات صنفيرةمايدة فاروق
عيونكمحمد عبد القوى حسن
هواء جاف يجرح الملامحسيسير
الوقوف على قدم واحدةالله الأسمر
بريزة فضةعبد السلام
قصائد الغرفة المغلقةموسى
نفس طويلراندا طه
عم عبد اللهوحيد أمين
لكن التراجيديا غلبتنيمصبطفي عبادة
المغيبحسين عبد الرحيم
أيقونة للحزن سلامة السيد حسن
أجيال جديدة من المدن الرمادية حسن عبد الموجود
الشيخة نبوية الماشطةالسلامة الماشطة المسلم خطاب
النرجس يلبس ما حرمه اللهالله الله الله الرشيدي

أسامة البنا	لا هناك ولا هنا
حسن أحمد محمد	مخلوقات الليل
نجاة على	كائن خرافي هوايته الثرثرة
أشرف عتريس	واحديات
حمدى فؤاد مصيلحى	شخبطة على بردية الخروج
أحمد كمال زكي	أملأمل
عماد غزالي	
عصام أحمد خميس	أول شعرة بيضا
بخیت	١٤ ج
السيد رشاد	
سيد الخمار	
محمد عبد الرحيم الفخراني	بنت لیل ۔۔۔۔۔۔۔۔۔۔۔
محمد طلبة	خط ثابت طویل
أسامة الزيني	رائحة الجسد
غريبَ	امرأة على الأسلاك الشائكة
	يا نيل
رشاد الدهشوري	كفوف الدم
أحمد قرنى	جسد بارد بلا تفاصیل

#### قسيمة اشتراك إصدارات الهيئة العلمة لقصور الثقلفة

لاســـــــ ،	11
اهندوانوان	ļļ
ِقم التليف ون ·	
واله بريدية رقم: باسم الهيئة العامة لقصور الثقافة بمبلغ:	
لتوقيع :	11

· · ·	قيمة الأشا سنة كام	قيمة الاشتراك ٢ أشهر	موعد الأصدار	اسم السلسلة	Å
	72 77 72 77 77 78 77 77 77 77 77	17 17 17 17 17 17 17 18 18			1 7 7 2 0 7 7 A 9

ضع علامة ( ﴿ ﴾ أمام السلاسل التي تريد الاشتراك فيها في الربع الخاص بمدة ستة أشهر أو سنة كاملة

ترسل على عنوان الهيئة العامة: ١٦ أش آمين سامي – قصر العيني – القاهرة


ت: ۱۱۸۶۱ه۳ – ۲۱۸۶۲ – فاکس: ۲۰۲۶۲۵۳

الرقم البريدى: ١١٥٦٢

الأمل للطباعة والنشر



أصوات خارج الدايرة محمد طاهر برعي



تخايل لغة هذه القصائد مرايا البيئة المنتجة لها، فهى وثييقة الصلة بمفرداتها وتراكيبها وطقوسها، لتنتج نصاً مائزاً، محققاً لخصوصيته المحلية، يؤكد الوشييجة بين مبدعه ومستقبله.. بين الإنشاد البسيط المتدفق وحاجة المستمع الملحة .